



Siverth K. Heilmann

UPA 2024/57-1

Atassut

17. April 2024

Ullukinnerup ullup affaa sulinnigfiusalernissaa siunertaralugu Naalakkersuisut qulaajaanissaannik Inatsisartut peqquneqarnissaannik Inatsisartut aaliangiiffigisassaattut siunnersuut. Qulaajaaneq periarfissanik assigiinngitsunik qanoq iliornikkut ulukkinnerup ullup affaanik sulinnigfiulersinneqarsinnaaneraniq qanorlu aningaasatigut kinguneqarsinnaaneraniq imaqassaaq. Qulaajaaneq UPA 2025-imi saqqummiunneqassaaq.

(Inatsisartuni ilaasortaq Peter Olsen, Inuit Ataqatigiit)

Siullermik qulaani inatsisartunut aalajangiiffigisassatut siunnersuuteqartumut qujanaq, imatullu naatsunnguamik Atassummiit oqaaseqarfigissavarput.

Soorunami Kalaallit Nunatsinni pingaartumillu ukiorpassuarni ullukinneriortarnerup pingaartinneqarluni malunnartinneqartarneralu pisortatigoortuunngikkaluatoq atorluaasartugut qularutissaanngilaq.

Sunali tamarmi pisortatigoortumik nalliuttorsiuutingortinneqarnissaannut pissusissamisoortutut isigivinnikkaluarlugu, taamaattoq siunnersuuteqartup Naalakkersuisut qanoq aningaasatigut kinguneqarsinnaanera pillugu qulaajaatitsiniarnera tunngaviatigut Atassummiit taparserparput.

Qulaajaasoqareerpallu ilumut akuersissanerluta itigartitsissanerluta luunniit, taamanikkussamut aalajangerumaaratta.

Taamatut naatsumik Atassummiit oqaaseqarluta, suliap aappassaaneerreqartigani ataatsimiititaliamut susassaartumut innersuukkallarparput.

Qujanaq.